



### Asirciziu d'appiicazione

#### Ogetti pedagogichi

**Capacità messe in ballu :** cunnosce u teurema di Talete è a so ricìpruca ; avvìa ragiunamenti è inizià si à a dimustrazione aduprendu e prupità di e figure, di e cunfigurazione è di e trasformazione.

**Cumpitenza messa in ballu :** circà ; mudillizà ; raghjùnà.

## U ritrattu di a torra

### Enunciatu

Un pittore appassionatu di torre vole fà un quattru di a torre ginuvese di l'isule Sanguinare. Mentre ch'ellu misura a torra cù u so pinnellu, si dumanda quant'ella faria d'altezza in veru a torra.



Sà ellu chì u so pinnellu misura 19 cm, chì a distanza trà u manicu di u pinnellu è u so ochju face 57 cm è ch'elli sò infilarati a basa di a torra, a punta suddana di u manicu di u pinnellu è u so ochju. Di listessu modu, sò infilarati l'ochju, a punta suprana di u pinnellu è a cima di a torra.

Ùn sapendu à chì distanza ch'ellu si trova ellu da a torra, a misura cù i so passi è ne conta 69. Sà dinò chì u so passu misura 70 cm.

Chì sarà tandu l'altezza di a torra di i Sanguinari ?

### Lessicu

**Quattru :** *tableau (peinture).*

**Infilarati :** *alignés.*

**Pinnellu/pinneddu :** *pinceau.*